



# basic education

Department:  
Basic Education  
**REPUBLIC OF SOUTH AFRICA**

## **SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS**

**ISIZULU ULIMI LOKUQALA LOKWENGEZA (FAL)**

**IPHEPHA LESITHATHU (P3)**

**2023**

**UMHLAHLANDLELA WOKUMAKA**

**AMAMAKI: 100**

**Lo mlahlandlela wokumaka unamakhasi ayi-13.**

**ISIQEPHU A: UMHLAHLANDLELA WOKUMAKA IZINDABA****QAPHELA:**

- Ngaso sonke isikhathi sebenzisa irubhrikhi uma umaka umbhalo wokuziqambela (Iphepha lesi-3, ISIQEPHU A).
- Amamaki ukusuka ku: 0–50 ahlukaniwe ngamazinga amahlanu ngokwezinkomba.
- Okubonwa ngakho okuqukethwe, ulimi & isitayela, inkomba ngayinye kumazinga amahlanu, ihlukaniswe izingxenye ezimbili kuye ngokwabiwa kwamamaki. Kunengxenye engenhla kanye nengezansi.
- Isakhiwo sona asithinteki ekuhlukaniseni ngokwezixenye. Ayikho ingxenye engenhla noma engezansi.

**ISIQEPHU A: AMARUBHRIKHI OKUHLOLA I-ESEYI: ULIMI LOKUQALA LOKWENGEZA [AMAMAKI ANGAMA-50]**

Okungabonwa ngakho		Okungavamile	Okunekhono	Okusendimeni	Okuqalisayo	Okunganelisi
<b>OKUQUKETHWE &amp; UKUHLELA</b>  (Izipendulo kanye nemibono) Ukudidiyelwa kwemibono ngenhloso yokuhlela Ukuqonda inhloso, izithameli kanye nesimo  <b>AMAMAKI ANGAMA-30</b>	Ingxenye engenhla	<b>28–30</b>	<b>22–24</b>	<b>16–18</b>	<b>10–12</b>	<b>4–6</b>
		-Ipendulo enembayo ngaphezu kobekulindelekile -Imibono ekhaliphile, echukuluza ingqondo kanye nekhombisa ukuvuthwa komqondo -Ihleleke ngobunyoinco kanye nokulandelana (nokuxhumana) kubandakanya isingeniso, umzimba kanye nesiphetho	-Ipendulo yakheke kahle -Imibono eshaya emhloveni nehlabahlosile enokuvuthwa komqondo -Ihleleke kahle kakhulu kanye nokulandelana (nokuxhumana) kubandakanya isingeniso, umzimba kanye nesiphetho	-Ipendulo eyanelisayo -Imibono inakho ukulandelana nokushaya emhloveni -Ihleleke ngokusendimeni kanye nokulandelana (nokuxhumana) kubandakanya isingeniso, umzimba kanye nesiphetho	-Ipendulo ikhombisa ukungahlangani -Imibono engacacile nokungeyona eyokuzisungulela -Kukhona okukhombisa ukuhlela okuncane nokulandelana	-Ipendulo enhlanhlathayo -Imibono edidayo nenganembi -Akuzwakali, kunokuphindaphinda -Akukho ukuhlela kanye nokulandelana
	Ingxenye engezansi	<b>25–27</b>	<b>19–21</b>	<b>13–15</b>	<b>7–9</b>	<b>0–3</b>
		-Ipendulo yinhle kakhulu kepha intula izimpawu ze-eseyi enembayo -Imibono ekhombisa ukuvuthwa komqondo kanye nokukhalipha -Ikhombisa ikhono lokuhlela kanye nokulandelana (nokuxhumana) kubandakanya isingeniso, umzimba kanye nesiphetho	-Ipendulo yakheke kahle -Imibono ehambisanayo nendaba nehlabahlosile -Ihleleke kahle kakhulu kanye nokulandelana (nokuxhumana) kubandakanya isingeniso, umzimba kanye nesiphetho	-Ipendulo enembayo kodwa intula ukucacisa -Imibono iyalandelana ngokusendimeni futhi iyamukeleka -Kukhona okukhomba ukuhlela kanye nokulandelana (nokuxhumana) kubandakanya isingeniso, umzimba kanye nesiphetho	-Ipendulo engashayi emhloveni -Imibono ithanda ukuba nhlakanhlaka futhi iyadida -Ukuhlela kanye nokulandelana akukho	-Ayikho imizamo ekhombisa ukuphendula ngesihloko -Akuhambisani nesihloko futhi akufanelene -Akuqondene nesihloko futhi kuphithene

**AMARUBHRIKHI OKUHLOLA I-ESEYI: ULIMI LOKUQALA LOKWENGEZA [AMAMAKI ANGAMA-50] (kuyaqhubeka)**

Okungabonwa ngakho		Okungavamile	Okunekhono	Okusendimeni	Okuqalisayo	Okunganelisi
<b>ULIMI, ISITAYELA &amp; UKULUNGISA AMAPHUTHA</b>  Ithoni, irejista, isitayela, ulwazimagama luyahambisana nenhloso/umthelela kanye nesimo Ukukhethwa kwamagama, ukusetshenziswa kolimi, izimpawu zokuloba, uhlelo, isipelingi  <b>AMAMAKI AYI-15</b>	<b>Ingxenywe engenhlia</b>	<b>14–15</b> -Ithoni, irejista, isitayela, ulwazimagama kuhambisana kahle kakhulu nenhloso, izethameli kanye nesimo -Ulimi lukhombisa ukuzethemba, luyancomeka kakhulu -Ithoni ekhomba ukuphoqa kanye namasu obuciko obunembayo -Akunamaphutha nhlobo ohlelweni kanye nesipelingi -Ikhombise ikhono eliphezulu lokubumba	<b>11–12</b> -Ithoni, irejista, isitayela, ulwazimagama kuhambisana kahle kanye nesimo -Ulimi lufanelekile kanye nokusetshenziswa kwethoni ngendlela efanelekile -Kukhombisa ukungabi namaphutha amaningi ohlelweni kanye nesipelingi -Ibumbeke kahle kakhulu	<b>8–9</b> -Ithoni, irejista, isitayela, ulwazimagama kuhambisana nenhloso, izethameli kanye nesimo -Ukusetshenziswa kolimi ukudlulisa umqondo -Ithoni ifanelekile -Kusetshenziswe amasu obuciko ukukhulisa okuqukethwe	<b>5–6</b> -Ithoni, irejista, isitayela, ulwazimagama kuhambisana ngokungagculisi nenhloso, izethameli kanye nesimo -Ukusetshenziswa kolimi ukudlulisa umqondo akugculisi -Ithoni nephimbo akugculisi -Kusetshenziswe amasu obuciko ngokungagculisi ukukhulisa okuqukethwe	<b>0–3</b> -Ulimi aluqondakali -Ithoni, irejista, isitayela kanye nolwazimagama aluhambisani nenhloso, izethameli kanye nesimo -Ulwazimagama luncane kakhulu okwenza kube lukhuni ukuqonda
		<b>13</b> -Ulimi lukhombisa ukuzethemba, luyancomeka kakhulu -Akunamaphutha ohlelweni kanye nesipelingi -Ikhombise ikhono eliphezulu lokubumba	<b>10</b> -Ulimi luyahambisana futhi lufanelekile -Ithoni iyahambisana futhi ifanelekile -Kunamaphutha ambalwa ohlelo kanye nesipelingi -Ibumbeke kahle	<b>7</b> -Ukusetshenziswa kolimi okusendimeni nokungahlangani okumbalwa -Ithoni ifanelekile kanye nokusetshenziswa kwamasu obuciko okunomkhawulo	<b>4</b> -Ukusetshenziswa kolimi okungekho endimeni -Imisho enhlobonhlobo imbalwa noma ayikho -Ulwazimagama olunomkhawulo	
<b>ISAKHIWO</b> Izimpawu zethekisthi, ukuthuthuka kwezigaba kanye nokwakhiwa kwemisho  <b>AMAMAKI AYISI-5</b>		<b>5</b> -Ukuthuthuka kwesihloko okunembayo -Ukucacisa okunembayo -Imisho, izigaba kwakheke kahle kakhulu	<b>4</b> -Ukuthuthuka nokugeleza kwendaba -Ukulandelana -Imisho, izigaba kuyalandelana futhi kuxubile	<b>3</b> -Ukuthuthuka kwendaba okulindelekile -Imisho, izigaba kwakheke kahle -I-eseyi isenawo umqondo	<b>2</b> -Amaphuzu ambalwa azwakalayo -Imisho kanye nezigaba kunamaphutha -I-eseyi isenawo umqondo noma inamaphutha	<b>0–1</b> -Amaphuzu awatholakali -Imisho kanye nezigaba kunamaphutha -I-eseyi ayinamqondo

**Amakhodi Okuqopha Amamaki Kulesi Sigaba:**

- Q: Okuqukethwe
- SK: Isakhiwo
- L: Ulimi
- ST: Isitayela
- PT: Amaphutha
- HL: Ukuhlela

**Amakhodi azosetshenziswa uma kumakwa:**

- QHL = 30
- LSP = 15
- SK = 05

**Amakhodi azosetshenziswa uma kumakwa:**

SP – (dwebela)-isipelingi esingamukelekile.

PH – uphawu lokubhala olungamukelekile.

L – (dwebela)- ulimi olungamukelekile.

// – khombisa isigaba esisha.

NK – inkathi engamukelekile.

GL – amagama awalandelani ngokufanele.

R – irejista.

KM – akwenzi umqondo.

ISIV. – isivumelwano esingavumelani.

AK – akudingekile.

^ – kunegama elingekho.

GN – igama elingcono.

/ – ukwehlukana amagama

() – ukuhlukanisa amagama

PP – ukuphindaphinda amagama

**OKULINDELEKILE MAYELANA NESAKHIWO SEMIBHALO (ISIQEPHU A)**

- Isingeniso: Siyaheha, siyisigaba esisodwa, singenisa indikimba.
- Umzimba:
  - Izigaba zinemiqondo ezwakalayo nenikezelanayo.
  - Izigaba zihleleke kahle/umqondo osekelayo.
  - Umbhalo nombhalo mawuhambelane nenkathi okumele ubhalwe ngayo.
- Isiphetho:
  - Siyisigaba esisodwa.
  - Makuvele ukuthi umbhalo usuyagoqwa noma uyasongwa.
  - Selungavela uvo lombhali ngalokho abhala ngakho okungaba ukuxwayisa/ukweluleka/ukuxolisa/ukuphosa inselelo.

**QAPHELA:** Kweqiwa umugqa owodwa phakathi kwezigaba.

**OKULINDELEKILE MAYELANA NEZIHLOKO ZEZINDABA (ISIQEPHU A)****1.1 Uhambo Nomndeni Wami Engingasoze Ngalukhohlwa.**

- Elandisayo.

Izimpendulo zingathinta amaphuzu alandelayo:

- Bhala ngenkathi edlule.
- Kwakunini, kuphi?
- Landisa enanikwenza nomndeni wakho okwenza ungalukhohlwa lolu hambo.
- Umyalezo ongawudlulisela kwabanye ngokubaluleka kokuvakasha nomndeni.
- Indaba ayinamathele esihlokweni.  
(Nokunye okuhambisana nesihloko.)

**[50]****1.2 Inhlonipho.**

- Echazayo.

Izimpendulo zingathinta amaphuzu alandelayo:

- Ungabhala ngenkathi exubile.
- Chaza izimpawu ezithize ngesihloko.
- Chaza ngokubaluleka kwenhlonipho.
- Akha izithombemagama.
- Indaba ayinamathele esihlokweni.  
(Nokunye okuhambisana nesihloko.)

**[50]****1.3 Okwangisiza Ukuze Ngizethembe.**

- Eningayo/Ecabangisisayo.

Izimpendulo zingathinta amaphuzu alandelayo:

- Ungabhala ngenkathi exubile.
- Isingeniso asihlaziye isihloko.
- Chaza ngobuntekenteke bakho ngaphambi kokuthola usizo.
- Chaza kucace lokhu okwakusiza ukuze uzethembe.
- Imiphumela yokuthola usizo.
- Indaba ayinamathele esihlokweni.  
(Nokunye okuhambisana nesihloko.)

**[50]**

1.4 **Ukufundela Izivivinyo Zokuhlolwa Niyiqembu Kungaba Nemiphumela Emihle Noma Emibi.**

- Eqhathanisayo.

Izimpendulo zingathinta amaphuzu alandelayo:

- Ungabhala ngenkathi exubile.
- Veza amaphuzu aqhathanisayo.

**Ubuhle:**

- Amaphuzu akaveze imiphumela emihle kanye nobufakazi obesekelayo.

**Ububi:**

- Amaphuzu akaveze imiphumela emibi kanye nobufakazi obesekelayo.
- Isiphetho asihambisane nendaba.  
(Nokunye okuhambisana nesihloko.)

[50]

1.5 **Kungabe Izithombe Zikamabonakude Ziyalugqugquzela Yini Udlame Emphakathini?**

- Edaza Inkani.

Izimpendulo zingathinta amaphuzu alandelayo:

- Ungabhala ngenkathi exubile.
- Isingeniso masiveze uhlangothi ovumelana/ophikisana nalo  
(ukuvumelana noma ukuphikisana).

**Amaphuzu avumelana noma aphikisana nesihloko:**

- Yethula amaphuzu avumelana/aphikisana nesihloko.
- Indaba ayinamatele esihlokweni.
- Isiphetho asihambisane nendaba.  
(Nokunye okuhambisana nesihloko.)

[50]

1.6 **Isithombe**

**Nikeza indaba isihloko esiyifanele.**

Izihloko ziyokwehluka:

Izimpendulo zingathinta amaphuzu alandelayo:

- Ungabhala ngenkathi exubile.
- Isihloko masihambisane nokuqukethwe isithombe.
- Indaba ayinamathele esihlokweni.  
Isibonelo: Ukwanda Kokukhulelwa Kwabafundi Ezikoleni.

**QAPHELA:** Amaphuzu angehluka kuye ngesihloko esibhaliwe.

**[50]**

1.7 **Isithombe**

**Nikeza indaba isihloko esiyifanele.**

Izihloko ziyokwehluka:

Izimpendulo zingathinta amaphuzu alandelayo:

- Ungabhala ngenkathi exubile.
- Isihloko masihambisane nokuqukethwe isithombe.
- Indaba ayinamathele esihlokweni.  
Isibonelo: Isichotho.

**QAPHELA:** Amaphuzu angehluka kuye ngesihloko esibhaliwe.

**[50]**

1.8 **Isithombe**

**Nikeza indaba isihloko esiyifanele.**

Izihloko ziyokwehluka:

Izimpendulo zingathinta amaphuzu alandelayo:

- Ungabhala ngenkathi exubile.
- Isihloko masihambisane nokuqukethwe isithombe.
- Indaba ayinamathele esihlokweni.  
Isibonelo: Ukukhishwa Kwemiphumela Kamatikuletshe  
Emaphephandabeni.

**QAPHELA:** Amaphuzu angehluka kuye ngesihloko esibhaliwe.

**[50]**

**AMAMAKI ESIQEPHU A: 50**

**ISIQEPHU B: AMARUBHRIKI OKUHLOLA UMBHALO OMUDE ODLULISA UMYALEZO: ULIMI LOKUQALA LOKWENGEZA  
[AMAMAKI ANGAMA-30]**

<b>Okungabonwa ngakho</b>	<b>Okungavamile</b>	<b>Okunekhono</b>	<b>Okusendimeni</b>	<b>Okuqalisayo</b>	<b>Okunganelisi</b>
<p><b>OKUQUKETHWE, UKUHLELA NESAKHIWO</b></p> <p>Impendulo kanye nemibono Ukudidiyelwa kwemibono ngenhloso yokuhlela Inhloso, izethameli, izakhiwo nezimiso kanye nesimo</p> <p><b>AMAMAKI AYI-18</b></p>	<p><b>15–18</b></p> <p>-Impendulo enembayo ngaphezu kobekulindelekile -Amasu akhaliphile kanye nokuvuthwa komqondo -Ulwazi olubanzi lwezimpawu zohlobo lombhala -Umbhalo unamathele esihlokweni -Amasu akhombisa ukuthelana kanye nokulandelana -Acacisa ngokusobala kanye nokusekela isihloko -Isakhiwo esifanele nesicacile</p>	<p><b>11–14</b></p> <p>-Impendulo efanelekile ekhombisa ulwazi lwezimpawu zohlobo lombhala -Inamathele esihlokweni -Akukho ukunhlanhlatha -Ukulandelana kokuqukethwe nemibono, kuchazwe kahle futhi kusekela isihloko -Isakhiwo esifanele esinamaphushana</p>	<p><b>8–10</b></p> <p>-Impendulo esendimeni ekhombisa ulwazi lwezimpawu zohlobo lombhala -Ayinamathele kahle esihlokweni -Kunokunhlanhlatha okuncane. -Ukulandelana kwemibono okuqukethwe kufanelekile -Ukuchaza okumbalwa kusekela isihloko -Isakhiwo esifanelekile kodwa kunamaphutha ambalwa</p>	<p><b>5–7</b></p> <p>-Impendulo esezingeni eliyisisekelo ekhombisa ulwazi lwezimpawu zohlobo lombhala -Ukunamathele esihlokweni kuyabonakala kodwa kunokunhlanhlatha -Ukulandelana kwamaphuzu okuqukethwe kubuye kungabonakali -Ukuchaza okuncane kakhulu okusekela isihloko -Usebenzise ngokunganele imithetho yesakhiwo -Kukhona okumbalwa okubalulekile</p>	<p><b>0–4</b></p> <p>-Impendulo ikhombisa ukungabi nalo ulwazi lwezimpawu zohlobo lombhala -Umqondo ufiphele ngenxa yokunhlanhlatha okukhulu. -Imibono ayilandelani nhlobo -Ukuchaza okungenelisi okusekela isihloko -Akasebenzisanga nhlobo imithetho yesakhiwo</p>
	<p><b>ULIMI, ISITAYELA KANYE NOKULUNGISA AMAPHUTHA</b></p> <p>Ithoni, irejista, isitayela, inhloso/umthelela, izethameli kanye nesimo Ukusetshenziswa kolimi kanye nezimiso Ukukhethwa kwamagama Izimpawu zokuloba kanye nesipelingi</p> <p><b>AMAMAKI AYI-12</b></p>	<p><b>10–12</b></p> <p>-Ithoni, irejista, isitayela, ulwazimagama kuhambisana kahle kakhulu nenhloso, izethameli kanye nesimo -Uhlelo lufanelekile futhi lwakheke kahle kakhulu -Akunamaphutha nhlobo.</p>	<p><b>8–9</b></p> <p>-Ithoni, irejista, isitayela, ulwazimagama kuhambisana kahle nenhloso, izethameli kanye nesimo -Uhlelo lufanelekile futhi lwakheke kahle -Ulwazimagama oluhle kakhulu -Akunamaphutha amaningi</p>	<p><b>6–7</b></p> <p>-Ithoni, irejista, isitayela, ulwazimagama kuyahambisana nenhloso, izethameli kanye nesimo -Kunamaphutha ambalwa ohlelo -Ulwazimagama olwanele -Amaphutha awawuphazamisi umqondo.</p>	<p><b>4–5</b></p> <p>-Ithoni, irejista, isitayela, ulwazimagama kunokungahambisani nenhloso, izethameli kanye nesimo -Uhlelo olungafanelekile olunamaphutha amaningi -Ulwazimagama olunganele -Umqondo ufiphele.</p>



**Amakhodi Okuqopha Amamaki Kulesi Sigaba:**

- Q: Okuqukethwe
- SK: Isakhiwo
- L: Ulimi
- ST: Isitayela
- PT: Amaphutha

**Amakhodi azosetshenziswa uma kumakwa:**

- QSK = 18
- LSP = 12

**OKULINDELEKILE:****2.1 INCWADI YAKOMKHULU/ESEMTHEHWENI**

- Ikheli lobhalayo alibe esandleni sokudla elihambisana nosuku olugcwele, Isib. (12 Nhlaba 2023/12 Meyi 2023).
- Ikheli lobhalelwayo alibe ngasesandleni sokunxele liqale ngesikhundla.
- Obhalelwayo makabingelelwe ngokugcwele nangesizotha, Isib. Mnumzane/Nkosikazi/Nkosazane.
- Qala ngomusho oyisihloko, udwetshelwe noma ubhalwe ngosonhlamvukazi/ofeleba.
- **Esigabeni sokuqala** ohlolwayo akabhale isizathu sokubhala incwadi ekhalaza ngokungaphathwa kahle kwezingane ebhasini.
- **Esigabeni sesibili** ohlolwayo akacacise izizathu zokukhalaza afake nezincomo.
- **Isiphetho** masibe sifishane sikhuthaze uMphathimabhasi ukuthi kube khona akwenzayo ngalesi simo.
- Isivaleliso masikhombise isizotha: Yimina ozithobayo  
uTiza Sithole (Nksz.)

Amagama awabe inani elifanele.

[30]

**2.2 I-IMEYILI**

- Makuvele ikheli lalowo i-imeyili esuka kuye.
- Makuvele ikheli lalowo ebhekiswe kuye.
- Makuvele amakheli alaba abanye abaziswa ngalesi sicelo uma bekhona.
- **Isihloko:** Isicelo Somfundaze.
- Makuvele ingqikithi ye-imeyili.
- Makuvele igama lothumele i-imeyili.

Amagama awabe inani elifanele.

[30]

### 2.3 UMLANDO NGOMUFI

- Isihloko: Bhala amagama aphelele kamufi nesibongo.
- Bhala ngenkathi edlule.

#### Isingeniso:

- **Imininingwane ngomufi:**
  - Amagama kamufi aphelele nesibongo.
  - Usuku lokuzalwa nendawo azalelwa kuyona.
  - Abazali bakhe.
  - Usuku ahambe ngalo emhlabeni.

#### Umzimba:

- **Isigaba sokuqala:**
  - Imininingwane yemfundo (izikole nesikhungo, iminyaka afunda ngayo).
  - Amagalelo nezikhundla ezikhungweni zemfundo.
- **Isigaba sesibili:**
  - Imininingwane yasemsebenzini uma ikhona.
  - Amagalelo nezikhundla eqenjini lezemidlalo.
  - Aphumelele kukhona/neqhaza abelibambile emphakathini.
- **Isiphetho:**
  - Abashiyile emhlabeni.
  - Umusho omfushane wokumvalelisa. Isib.: Hamba kahle (Isithakazelo)/ Sihlobo sethu, siyokukhumbula njalo!

Amagama awabe inani elifanele.

[30]

### 2.4 INKULUMO-MPENDULWANO/INGXOXO

- Bhala ngenkathi efanele.
- Bhala isihloko.
- Isethulo (Bhala ukuthi ubani, ukhuluma nobani nokuthi bakuphi).
- Sebenzisa izimpawu ezifanele.
- Bhala amagama abakhulumayo esandleni sokunxele.
- Sebenzisa ulimi oluzwakalayo.
- **Isingeniso:** Ukubingelelana okukhombisa ubudlelwano bukababa nendodana/nendodakazi.
- **Umzimba:** Ingxoxo ehambisana nobaba ekhuluma nengane yakhe mayelana nokugqoka izinto ezibizayo.
- **Isiphetho:** Ukugoqwa kwenkulumo.

Amagama awabe inani elifanele.

[30]

**AMAMAKI ESIQEPHU B: 30**

**ISIQEPHU C: AMARUBHRIKI OKUHLOLA UMBHALO OMFISHANE ODLULISA UMYALEZO: ULIMI LOKUQALA LOKWENGEZA [AMAMAKI ANGAMA-20]**

Okungabonwa ngakho	Okungavamile	Okunekhono	Okusendimeni	Okuqalisayo	Okunganelisi
<p><b>OKUQUKETHWE, UKUHLELA NESAKHIWO</b></p> <p>Impendulo nemibono Ukudidiyelwa kwemibono ngenhloso yokuhlela Izimpawu/Izimiso kanye nesimo</p> <p><b>AMAMAKI AYI-12</b></p>	<p><b>10–12</b></p> <p>-Impendulo enemibono ngaphezu kobekulindelekile -Amasu akhaliphile kanye nokuvuthwa komqondo -Ulwazi olubanzi lwezimpawu zohlobo lombhalo -Umbhalo unamathele esihlokweni -Amasu akhombisa ukuthelana kanye nokulandelana -Acacisa ngokusobala kanye nokusekela isihloko -Isakhiwo esifanele nesicacile</p>	<p><b>8–9</b></p> <p>-Impendulo efanelekile ekhombisa ulwazi lwezimpawu zohlobo lombhalo -Inamathele esihlokweni -Akukho ukunhlanhlatha -Ukulandelana kokuqukethwe nemibono, kuchazwe kahle futhi kusekela isihloko -Isakhiwo esifanele esinamaphushana</p>	<p><b>6–7</b></p> <p>-Impendulo esendimeni ekhombisa ulwazi lwezimpawu zohlobo lombhalo -Ayinamathele kahle esihlokweni -Kunokunhlanhlatha okuncane -Ukulandelana kwemibono okuqukethwe kufanelekile -Ukuchaza okumbalwa kusekela isihloko -Isakhiwo esifanelekile kodwa esinamaphutha ambalwa</p>	<p><b>4–5</b></p> <p>-Impendulo esezingeni eliyisisekelo ekhombisa ulwazi lwezimpawu zohlobo lombhalo -Ukunamathela kuyabonakala kodwa kunokunhlanhlatha -Ukulandelana kwamaphuzu okuqukethwe kubuye kungabonakali -Ukuchaza okumbalwa kusekela isihloko -Usebenzise imithetho yesakhiwo ngokungafanele -Kukhona okumbalwa okubalulekile</p>	<p><b>0–3</b></p> <p>-Impendulo ikhombisa ukungabi nalo ulwazi lwezimpawu zohlobo lombhalo -Umqondo ufiphele ngenxa yokunhlanhlatha okukhulu -Imibono ayilandelani nhlobo -Ukuchaza okumbalwa okusekela isihloko -Akasebenzisanga nhlobo imithetho yesakhiwo</p>
<p><b>ULIMI, ISITAYELA KANYE NOKULUNGISA AMAPHUTHA</b></p> <p>Ithoni, irejista, isitayela, inhloso/umthelela, izethameli kanye nesimo Ukusetshenziswa kolimi kanye nezimiso Ukukhethwa kwamagama izimpawu zokuloba kanye nesipelingi</p> <p><b>AMAMAKI AYISI-8</b></p>	<p><b>7–8</b></p> <p>-Ithoni, irejista, isitayela, ulwazimagama kuhambisana kahle kakhulu nenhloso, izethameli kanye nesimo -Uhlelo lufanelekile futhi lwakheke kahle kakhulu -Akunamaphutha nhlobo</p>	<p><b>5–6</b></p> <p>-Ithoni, irejista, isitayela, ulwazimagama kuhambisana kahle nenhloso, izethameli kanye nesimo -Uhlelo lufanelekile futhi lwakheke kahle -Ulwazimagama oluhle -Akunamaphutha amaningi.</p>	<p><b>4</b></p> <p>-Ithoni, irejista, isitayela, ulwazimagama kuyahambisana nenhloso, izethameli kanye nesimo -Kunamaphutha ambalwa -Ulwazimagama olusendimeni -Amaphutha awawuphazamisi umqondo</p>	<p><b>3</b></p> <p>-Ithoni, irejista, isitayela, ulwazimagama kunokungahambisani nenhloso, izethameli kanye nesimo -Uhlelo olungafanelekile olunamaphutha amaningi -Ulwazimagama olunganele -Umqondo ufiphele</p>	<p><b>0–2</b></p> <p>-Ithoni, irejista, isitayela kanye nolwazimagama akuhambisani nenhloso, izethameli kanye nesimo -Kugcwele amaphutha futhi kuyadida -Ulwazimagama aluhambisani nenhloso -Umqondo awucacile neze</p>

**Amakhodi okuqopha amamaki kulesi sigaba:**

- Q: Okuqukethwe
- SK: Isakhiwo
- L: Ulimi
- ST: Isitayela
- PT: Amaphutha

**Amakhodi azosetshenziswa uma kumakwa:**

- QSK = 12
- LSP = 08

**OKULINDELEKILE:****3.1 IKHADI LESIMEMO**

- Isihloko masigqamise ukuthi isimemo sokubungaza iminyaka yokuzalwa eyi-18.
- Bhala igama lomemayo nomenywayo.
- Bhala njengomuntu wesithathu.
- Imininingwane elindelekile:
  - usuku.
  - indawo.
  - isikhathi.
  - bhala neminye imininingwane njengalokhu: indlela yokugqoka, igama nenombolo yocingo yomuntu othintwayo nokunye.

Amagama awabe inani elifanele.

[20]

**3.2 IDAYARI**

- Bhala usuku kanye nelanga: isibonelo 14 Meyi 2023 ... Lwesihlanu.
- Bhala ngenkathi efanele.
- Bhala njengomuntu wokuqala.
- Bhala ngemisho ephela.
- Sebenzisa ulimi olukhululekile.
- Okuqukethwe makunamathela emyalelweni.

Amagama awabe inani elifanele.

[20]

**3.3 IMIYALELO**

- Isihloko masigqamise imiyalelo okumele ilandelwe abafundi ngaphambi kokuqala ukuhlolwa.
- Fika ngaphambi kwesikhathi esibekiwe ukuze ukwazi ukuzilungiselela.
- Bonke abafundi balindeleke ukuba basayine iphepha lemithetho yokuhlolwa ngaphambi kokuqala ukubhala.
- Qinisekisa ukuthi uphethwe umazisi kanye ne-timetable yakho yokuhlolwa efakwe ephaketheni lepulasitiki elibonisa ngaphakathi.
- Qinisekisa ukuthi uphethwe konke okokubhala njengamapeni, ama-calculator nokunye ngesikhwama samapeni esibonakalisa ngaphakathi.

- Sebenzisa imizuzu eyishumi yokufunda iphepha ngaphambi kokuqala ukubhala ngesikhathi esibekiwe.
- Awuvunyelwe ukuqala ukubhala ngaphambi kwesikhathi esibekelwe iphepha.
- Awuvunyelwe ukuqalaza nokwenza noma yini esolisayo, engathathwa njengokukopela.
- Awuvunyelwe ukuphatha umakhalekhukhwini noma i-smart watch.
- Qiniseka ukusebenzisa isikhathi esibekiwe ukuze ukwazi ukuqeda.

Amagama awabe inani elifanele.

**[20]**

**AMAMAKI ESIQEPHU C: 20**  
**AMAMAKI ESEWONKE: 100**